



17660

I Mag. St. Dr.

P

kal komp.

laus

noliensis.

Leopol. Scholae metrop. Stud. Jur. Applausus
luctitiae publicae in solenni ad cathe-
dram metropolitancam adventu S. Fla-
vislai Grachowski et Richiey. Inscr.

PANEG. et VITAE

Polon. 4.

N^o 287.

Biblioteka Jagiellońska



stdr0003067

APPLAVSVS

LÆTITIÆ PVBLICÆ,

IN SOLENNI

Ad Cathedram Metropolitanam aduentu,

Illustrissimi ac Reuerendissimi Domini,

D. STANISLAI DE GROCHOWCE
GROCHOWSKI,

*Archiepiscopi Leopoliē. Abbatie Sieciechowiē.
Administratoris perpetui,*

NOMINE

Ecclesiæ, Cleri, Senatus, & Vniuersi Populi
LEOPOLIEN.

A

*Studiosa Iuuentute Scholæ Metropolit: Leopoliē.
ardentissimo affectu, cultu debito, & submissa
animi veneratione*

FACTVS.

CRACOVIAE, Typis Francisci Cæsarij. 1635.



IN SYMBOLVM
Illustrissimæ Familiæ Grochouianæ.



176607
*Nescio quo celos animantia iure replerunt,
Duxq; Aries primum quâ capit arte polum
Si celos possunt animantia bruta mereri,
Inter Sydereas & rutilare faces?
Cede Aries celo; nam longè dignior Agnus
Qui meruit celum, Grochomanus adest.*

Franciscus Volphouic,
Stud: Scholæ Metrop: Leopold.

Illustrissimo ac Rndissimo Domino,

D. STANISLAO

A GROCHOWCE,

GROCHOWSKI,

Dei & Apostolicæ Sedis Gratia,

Archiepiscopo Leopoliē. Abbatie

Siećiechouiē. Administratori perpetuo.

Ec. Ec.

Domino & Mæcenati Ampliss.




Rbis ille terrarum victor Alexander, ob res fortissime ac felicissime gestas Magnus appellatus, cum celeberrimam Semiramidis Urbem, ultro sibi fascēs submittentem ingrederetur, tanta Ciuium omnium cum letitia, tantoq; populi vniuersi cum applausu exceptus est, ut omnes omnium itinerum ambitus, quibus ad Urbem aditus patebat, herbis ac floribus gratissimum spirantibus odorem sternerentur; ædificia fertis varia simbola victoriarum præferentibus coronarentur: altaria thure suauissimisq; suffimentis replerentur. Nec immerito. Tanti enim hospitis ac triumphatoris fauorem ac propensionem, prudentes illi incolæ Ciuitatis, omni splendido apparatu, omnibusq; diuitiis quas in illius aduentum deprompserant, digniorem preciosoremq; ducebant. Neque nos Illustrissime Domine,

A 2 à consue-

à cōsuetudine pulcherrima aberramus, cū Tibi ad hanc magnificam ingressus Tui pompam condecorandā, non flores (quibus Autumnus destituitur) sed propensissimas gratulationes, acclamationesq³ prosperrimas merito lubenterq³ fundimus. Nōstrum enim Tibi candorem, nōstra vota, fausta³ omina, quæ à Deo glorioso auspicamur, officiosum in obsequium consecramus ac dedicamus. Emarcuerunt illi vel vnius diei spatio flosculi, quos superba antiquitas, ex Adonidis aut Babilonicis pensilibus hortis decerpit: Tuae virtutes suauissima, quas in Ecclesiæ & Reipub. viridario propagasti apud omnem posteritatem reflorescent: illa verò iustitiæ, pietatis, prudentiæ, liberalitatis lumina, velut ad aras gloriæ perennis in panegyricis lucebunt, ad Tuū Illustriss³ Tuae Gentis decus, Patriæq³ ornamentum sempiternum. Accipe igitur has nostras vultu sereno primitias, quæ quanquam tenues sunt & pueriles, sub Tuo tamen patrocinio adolescere volunt, & ad maturitatem suam peruenire. Illud enim votis ardentissimis exposcimus ac desideramus omnes, vt quemadmodum Te diuina benignitas, felicissimis auspiciis Cathedram hanc ingredi, amplissimumq³ honorem possidere voluit: sic Te ad laudis suæ incrementum eximium, commune Reipub. Regniq³ Sarmatici ornamentum, & omnium bonorum solatium quā diutissime incolumem conseruet.

Illustriss: Celsitud: V.

deditissimus Cliens
Zacharias Zaiackowski, Stud:
Scholæ Metrop: Leopoli.



APPLAVSVS LÆTI- TIÆ PVBLICÆ.

Ode Tric. Tetr.

ECCLESIA.

Dilecte Diuis, Optime Pontifex,
Ecclesiæ lux, curaq; maxima,
Fulcrumq; Regni, lausq; Gentis
Grochoniæ, columenq; summum.

Pro Te Tonanti quas dabo victimas,

Quæ vota reddam, celitibus bonis?

Aut quas rependam, & unde grates

Celicolûm meritò Parenti?

Rectè beatam me modò dixero,

Rectè Dearum de medio unicam

Certare pro Cali Corona

Cum Supero potero Senatu.

Tu spes salutis firma satis mee,

Rerum mearum, tu columen meum,

A;

Tu

Tu firma turris, tuq; murus,
Presidiumq; mei popelli.
Tu me nefandis faucibus hostium
Eliberabis; qui malè conscia
Memento quassant, & supremum
Exitium mihi moliuntur.
Dissentientis tu caput infidum
Calcabis ergo fortiter Heresis
Cervice pressâ, & victor Orci
De styge percipies triumphos.
Deprehendant cura fidelium,
Optate Pastor, Sponse meus, meus
Patrone, Tutor, Dux, asyllum,
Eximiumq; decus Senatus.
Exurge Diuis nate fauentibus,
Exurge, & orto Sole serenior
Optatus adsis hospes, eia &
Progredere auspiciis secundis.
Procede, celo mi penitus date,
Procede Pastor, Templa Tibi patent,
Araq; fumant: prosper eia
Ocyus ô propera, & venito.

Regnum

Regnum occupato Metropolis Tuae,
Sacrosq; Fasces Pontificum cape,
Divina quæ iam mens ab ævo,
Pro meritis Tibi destinavit.

Stanislaus Kuczkowski.

CLERVS ARCHIDIOECESANVS.

Ode Tric. Teri.

Perge nouos meritis Grochoui sumere honores
Perge Archipresul premium
Sumere sollicitum.

Altiùs euectus, quantum virtutibus ipsis
Is eminenter altiùs

Maior adhuc, & adhuc:

Tantum suppositis humeris, quibus æthera portas,
Calumq; sustines diu,
Cura venit grauior.

Prende pedum bone Pastor, onus Tibi crescit Olympo
Maius, sed & prestantius
Fertq; refertq; decus:

Et Crucis hoc instar quod habes Tibi calitùs ortum
Insigne, spem victoriæ
Spondet, opemq; fouet.

Dirigere

Dirigere ut valeas animas mentesq; piorum,
Celi ad suprema gaudia,
Corrigere & vitia.

O quem Te memorem, quæis tandem laudib. æquem
Ecclesie Senator, &
Magne Pater Patrie.

Terrigenamne loquar potius? num sydere celso
Missum à Deo diuinitus
Dixero calicolam?

Nam par Aligeris celestibus esse videris
Vite Tuae innocentia
Moribus atq; bonis.

O quàm Te pietas summo commendat Olympo,
Desiderabilem, & facit
Cætib; Angelicis!

O quàm Templorum cultus, quem sufficis ipse
Optabilem Te comprobat
Patribus ingenuis!

O quàm Te dulcis candor mitissime Princeps
Vbique fert amabilem,
Compita per populi.

Difficile est dictu, quantum letetur Olympus
Te glorioso Præsule
Templa regente Dei!

Diffi-

Difficile est narrare Pater, quæ Ecclesiæ mater
Te presidente aris Dei
Gaudia percipiat!

Incensi pro Te templo ardent thuris odores,
Araq; feruent hostijs,
Muneribusq; piis.

Exultat cunctus populus, plaususq; frequentes
Exercet in medio foro
Letitiam ingeminans.

Gratandoq; sibi tantum Patrem, atque Patronum,
Ad inuicem proclamitat
Carminè, voce, tubâ.

Euge Pater Patriæ, sublimem ascende Cathedram
Tibi parauit quam Deus
Pro solidis meritis.

Archisacerdotum dignissime Præsul, amicum
Ecclesiæ, Senatui,
Insere ritè caput.

Archisacerdotum cape fasces Archisacerdos
Sublimis eminentiæ,
Possideasq; Thronum.

Te Deus, & pietas, merita atq; ingentia care
Quæ præstitisti Patriæ
In decus eximium,

B

Te

Te Deus & pietas, indefessiq; labores,
Quos prestitisti Russiæ,
Hoc statuere loco.

Salve concessum de celo Sydus amenum,
Salve Soli lux patrij
Russiadumq; iubar;

Redde diem populo, patrie solesq; serenos,
Proculq; pelle luide
Hæreseos tenebras.

Ornasti Premislanis sacra fana Colossis
Satis superq; prodigus
Ad pietatis opus:

En modo tempus adest, ut iam Metropolis ista
Per te Patronum Maximum
Iustitiæq; Ducem,

Luce piâ rutilet, surgatq; ad sidera muris
Abeneisq; manibus:
Ut bona posteritas

Miretur generosi animi monumenta reposita,
Satisq; liberalia
Præsulea ede sacra.

Quam simul ingrederis collapsam educis ad astra, &
Manu restaurans Dedala
Aere micare iubes.

Pro-

Prosper ades Pollux nobis, Duce & auspice Christo

Progredere Præsul prosperè

Magnus honore pio:

Dumq̃ triumphabit Rex inuictissimus orbe

Teterrimis ex hostibus,

Sceptra Polona tenens:

Pastor in Vrbe Leonis cum grege viue beatus

Ex Hæresiq̃ & Tartaro

Summa trophæa refer.

Hoc Tibi GROCHOVI Præsul dignissime carmen

Tui triumphigratiâ

Clerus in Vrbe canit:

Tu Agnelli mitis cuius tutaris honores

Fac aureum vellus pio

Fulgeat auxilio:

Efficiet precibus, votis calumq̃ mouebit,

Agnellus hic potentior

Cornibus astra petat.

Ioannes Mirecki.

SENATVS LEOPOLIEN.

ILLVSTRISIME Pontifex adesto

Felix auspicio sereniore

B a

Noster

Noster namq; Leo pedes ad imos
 Agnellum obsequio modestiori
 Prensat, nobilioribusq; portam
 Infractam Hospitibus libenter Urbis
 Pandit; Te inuitat omnis & Senatus
 Votis sollicitis; adesto Præsul,
 Nostrum præsidium, decusq; nostrum,
 Nostrum delitium, iubarq; nostrum.

Dominicus Ielitowie.

POPVLVS LEOPOLIEN.

A Gnelle GROCHIORVM
 Cum grege plaude tibi,
 Plaude, plaude, plaude, plaude,
 Felix nimium pastore tuo,
 Nulla luporum Monstra timebis,
 Nulla Leonum Antra pauebis.
 Nam centocellus Argus
 Pro grege Teq; vigil
 Excubat per omne tempus.
 Felix nimium Pastore tuo,
 Nulla luporum Monstra timebis
 Nulla Leonum Antra pauebis.
 Ingens canum caterua
 Horrida monstra Stygis
 Urget, urget, urget, urget.

Felix

Felix nimium Pastore tuo,

Nulla luporum

Monstra timebis,

Nulla Leonum

Antra pauebis.

Leana sic Catellos

Arcet adire suos,

Sæua frendet, irruitq³.

Felix nimium Pastore tuo,

Nulla luporum

Monstra timebis,

Nulla Leonum

Antra pauebis.

Sic ille pro Tonantis

Agmen in Hæreseos

Sæuit, instat, & ferocit.

Felix nimium Pastore tuo,

Nulla luporum

Monstra timebis,

Nulla Leonum

Antra pauebis.

Pro publico paratus

Nomine proq³ Dei

Cum STANISLAO mori ter.

Felix nimium Pastore tuo,

Nulla luporum

Monstra timebis,

Nulla Leonum

Antra pauebis.

Agnelle GROCHIORVM

Cum grege plaude tibi,

Plaude, plaude, plaude, plaude,

Felix nimium pastore tuo,

In Paradisi

Mollibus hortis,

Cum grege Christi

Pascere lætus.

Illic inusitatis

Perfruere Agne rosis

Liliisq³ purpuratis.

Felix nimium Pastore tuo,

Florida pasces,

Pascua Christi,

Altus Hymettis

Sanguine scriptis.

Illic sub arbore alta

Fructibus eximiis

Nutriere conditoris.

Felix nimium Pastore tuo,

Saucius æstu

Purpurea illic

Flumina Christi

Dulce leuabis.

Torrente raptus isthoc

Saltibus exilies

Æternitatem ad ipsam.

Felix nimium Pastore tuo,

Sic satur Agnus

Potus & Agnus

Aurea calo

Cornua pones.

Ioannes Czechowic.

APOLLO cum MVSIS.

Agno Grochouiano fausta omina occinit.

Archisacerdotij dum summa cacumina scandit
Agnus GROCHOVII, turba nouena faue.

Ioq³ cum plausu Pæanaq³ dicito letum

Præsideat felix Archisacerdotio.

Martinus Iánkwiç.

VRANIA.

V R A N I A.

*Dux ouium Christi Sacer o Agnelle triumphas,
 Nomine cumq; Tuo par simul omen habe.
 Agnus erat Christus, Christum fac indue, quod si
 Esse nequis Christus, sis Comes Agne Dei.*

Nicolaus Zichinius.

TERPSICHORE.

*Agnus es, & mitis; Stygius lupo instat ouili
 Ne pradetur oues, cornua tolle tua.
 Mansuetudo placet Superis, mansuescito cunctis,
 Te nunquam mitem sentiat Hereticus.*

Ioannes Rádofz.

CALLIOPE.

*Agnus praeda lupo. mitis fit sæpè rapaci,
 Præsertim Pastor si minus est vigilans.
 Tu vigilem nactus Pastorem Agnelle futurus
 Præda feræ non es: sit tibi præda Lupus.*

Ioannes Vbaldin.

CLIO.

*Facundis nimium Agnelle o circumdate lanis
 Vellere sic semper nobiliore fluas.
 Ut quod sæpè soles largè conferre quotannis,
 Pauperibus laceris corpora nuda tegas.*

Iacobus Czczowic.

EUTERPE.

*Quæ fabu Grochouio, tam felix nomina fecit
 Elysio nasci debuit illa solo.
 Agne faba haud ulla est quâ dignè pascere terris
 Pro te caelestis pascua Pastor habet.*

Gaspar Iozephowic,

THALIA.

*Inter terrenas pecudes, Diuum inter & aras
Pasceris Agnellus GROCHOVIANE sacer,
Fac pinguesce Deo, saturareq; pane perenni
Sic pastus, calo, mensa futurus eris.*

Ioannes Zichinius.

ERATO.

*Quid Tibi pro tantis meritis Agnelle precabor,
Pro grege dum nimium Dux gregis inuigilas,
Caelestis nunquam desit Tibi copia Cornu,
Aeternae Cornu o Agne salutis habe.*

Martianus Gloskowski.

POLYHIMNIA.

*Agne rubro campo & prato spatium virenti
Sol tibi praesto rubet Religioq; viret:
Vnde tuo pietas nunquam exarescet ouili,
Sic Soli aeterno proximus Agnus eris.*

Urbanus Czechowicz.

MELPOMENE.

*Candidior niuib; Cygnis candentior ipsis
Agne nitore praes candida quaeq; tuo:
Quam mage candidus est tuus o Agnelle Patronus,
Cuius tu rutilas lumine perpetuo.*

Dominicus Vbaldin.

APOLLO AD AGNUM.

*Lusimus o Agnelle satis, tibi lusimus usque
Fac age fronte bona ludicra nostra feras.
Ipseq; cum gregibus Christi, caelestibus oris
Aeternum ludas nobiliore modo.*

Casimirus Szule.

